



K a n t o n a l n a u p r a v a c i v i l n e z a š t i t e

Broj: 18/01-44-_____/12
Tuzla, 16.08.2012. godine

Vlada Tuzlanskog kantona
Sekretar: Enver Čosičkić

Predmet: Inicijativa za izmjene i dopune federalnih propisa

Poštovani,

Na osnovu Zaključka broj: 02/24-44-14255-2/12 od 12.07.2012. godine, Kantonalnog štaba civilne zaštite, Kantonalna uprava civilne zaštite podnosi inicijativu za izmjene i dopune Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10):

1) u članu 183. dodati novi stav koji glasi:

„Kanton može dio sredstava, iz člana 180. stav 4. Zakona, koja pripadaju Kantonu, izuzetno koristiti za nabavku opeme i opremanje zajedničke kantonalne profesionalne vatrogasne jedinice i općinskih profesionalnih vatrogasnih jedinica.“

2) u članu 184. dodati novi stav koji glasi:

„Općina može dio sredstava, iz člana 180. stav 4. Zakona, koja pripadaju općini, izuzetno koristiti za nabavku opeme i opremanje općinske profesionalne vatrogasne jedinice.“

OBRAZLOŽENJE

Izmjene predložene u tačkama 1) i 2) trebaju omogućiti korištenje akumuliranih sredstava posebne naknade za zaštitu od prirodnih i drugih nesreća, koja se izdvajaju po članu 180. navedenog Zakona na poseban transakcijski račun Kantona i općina, za nabavku opreme i opremanje profesionalnih vatrogasnih jedinica u općinama u kojima postoje i onih koje su Kanton i općine dužni formirati u skladu sa članom 14. tačka 6. i članom 16. tačka 3. Zakona o zaštiti od požara i vatrogastvu („Službene novine Federacije BiH“, broj 54/09).

Navedene izmjene su potrebne zbog toga što u redovnim budžetskim sredstvima Kantona i općina nema mogućnosti za planiranje i izdvajanje sredstava za navedenu namjenu a Zakon o zaštiti od požara i vatrogastvu nije predvidio drugi izvor sredstava za potrebe koje proističu iz navedenih članova 14. i 16.

Izmjene su potrebne i zbog toga što trenutno na području Kantona obaveza iz člana 16. nije provedena u općinama: Gradačac, Doboj Istok, Čelić, Sapna, Kladanj, Teočak i Živinice.

Trenutno su izmjene i dopune Zakona o zaštiti od požara i vatrogastvu u postupku pribavljanja mišljenja Federalnih ministarstava i provođenja propisane procedure donošenja.

Veoma je upitno da će se kroz izmjene i dopune navedenog Zakona osigurati izvor sredstava za finansiranje opremanja profesionalnih vatrogasnih jedinica, zbog čega inicijativa za izmjene i dopune Zakona o zaštiti i spašavanju ima opravdanje posebno zbog stanja zaštite od požara i vatrogastvu u Federaciji Bosne i Hercegovine.

Molimo Vas da se navedena inicijativa uvrsti na jednu od narednih sjednica Vlade TK.

S poštovanjem!

Prilog: Zaključak KŠCZ

Dostavljeno:
- Naslov
- Evidencija
- Arhiva

DIREKTOR

Mr.sc. Zdenko Tadić